



**Vom Geitz Teuffel Ein christliche vnd heilsame Predig, gethan
z? Basel, vnnd hernach auss bitt eines christenlichen Bruders
auch geschrieben.**

<https://hdl.handle.net/1874/456805>

4
Vom Geiſt Teuffel

Ein Chriſtliche

vnd heilsame Predig / gethan
zu Baſel/vnnd hernach auß bitt eines
Chriſtenlichen Bruders auch
geſchrieben.

Durch
Johansen Brandmüllern.



Heb. 13. 6

Der Wandel ſey ohn geitz: vnd laſſend euch
benügen an dem das da iſt.

Gedruckt zu Baſel bey Peter
Perna/ Anno 1579.

Dependit in nobis
 et in nobis
 et in nobis
 et in nobis
 et in nobis



[Faint, illegible handwritten text]

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor creases and discoloration, characteristic of old paper. There is no text or other markings on the page.

Ein Predig Johansen Brädmüllers / vber diese Wort des Herren / Luc. xij.

Sehendt zu / vnd hütet euch vor dem Seitz / dann keines leben wirdt erhaltē in vberfluß seiner gütern.



Je alle andere Teuffelswerck vnd Laster in diesen letzten zeiten / die S. Paul nit ohn gefärdt ge- 2. Tim. 3. farliche / ja Grewliche zeit nennet / im schwanck

gehend vnd vber hand nemmen / also auch der Geis. Dann ihr Vatter vnnnd vrbaber der Satan hat ein grossen Zorn / die- Apoc. 12. weil er weist / daß sein Zeit kurz ist. Alle Menschen aber / die in Jesum Christum glauben / vnd in seinem Namen getauft sind / sollen dem Teuffel vnnnd seinen Jac. 4. wercken widerstandt thun. Wie nun sol-

cher widerstandt geschehen solle/lehrt vns
 . Pet. 5. nicht allein S. Peter/ da er spricht: Dem
 widerstehnd fest im Glaube/ sonder auch
 Christus Jesus der Herz selber/ beyde mit
 seinem Wort/ vnd mit seinem Exempel.
 Dañ da der Teuffel in angefochten vnd
 versucht/ hat er sich seiner erwehrt mit dē
 Schwert des Geists/ das ist mit Gotte

Ephes. 6. wort/ vñ gsagt/ Also/ vnd also steht es ge-

Matt. 4. schriben. Derhalben auch alle die/so vom
 Geisteuffel entweders angefochten wer-
 den/ oder schon von jm besessen seind/ sich
 auff die weiß in die gegenwehr stellen sol-
 len/ vnd auch mit gläubigem Herzen sa-
 gen: Es steht geschriben Luce am 12/

Sehet zu/ vnd hütet euch vor
 dem Seitz/ dann niemandt le-
 bet dauon/ dz er vil güter hat.

Von disen worten wollen wir auff diß-
 mal etwas handeln vñ reden/ so vil Gott
 gnad verleihen wirt. Der wölle auch gne-
 diglich seinen Segen vnd gedeien darzu
 geben/ Amen.

Nun hörend wir allhie/ wie vns Chri-
 stus

stus Jesus/ des lebendige Gottes Sohn/
 vnser Herz vnd Doctor/ Heylandt vnn
 water Arzt/ so trewlich vñ ernstlich war
 net vor dem Geis/ derhalben wollen wir
 zum ersten anzeigen/ was er hie den Geis
 heisse: zum andern wölchs die zeichen des
 Geistes seyen: zum dritten/ wie dieses la
 ster so schwär vñ grausam seie: zum vierd
 ten/ warumb wirs fliehen vnd meiden sol
 len: zum fünfften/ wölches die fürnemste
 Remedia vnd Mittel seyen/ durch wölche
 mann dieses Lasters / ja dieser tödtlichen
 Kranckheit der Seel mag los vnn ledig
 werden.

Dann erstlich ist nit ein jetliche begird i.
 ein Geis: sonst wären alle Gottes kinder
 auch geizig. Dann sie je auß begird not
 wendiger narung vñ kleidung bitten vnd
 begeren von Gott ihrem Himmelschen
 Vatter das täglich Brot / vnd was man Luc. ii.
 darff zur Leibs not / vnn das auß geheiß
 Christi vnsern Herzen / vnn auß trib der
 Natur / die solches erforderet. Item reich
 sein/ vnd viel zeitliche Güter haben/ ist an
 im selbs auch nicht sünd / oder ein Geis.

Dann viel liebe Heiligen vnd Gleubige
 menner reich gewesen seind / als die Ge-
 schrift zeuget / vnd werdend doch gelobt
 vnd selig gesprochen / als Abraham / Loth /
 Isaac / Jacob / Booz / Job / vnd andere.
 So schreibt der Apostel Paulus dem Ti-
 motheo in der ersten am sechsten nicht al-
 so / Gebet den Reichen / daß sie nit mehr
 reich seien / oder jr gut vnd gelt ins Meer
 werffend / sonder / Den Reichen dieser
 Welt gebet / daß sie nit nach hohe ding
 trachtend / auch nit hoffend auff die vn-
 gewissen Reichthumb / sonder auff den le-
 bendigen Gott / der vns dargibt reichlich
 allerley zunessen / daß sie guttheter seien /
 reich werdend in guten wercken / gern ge-
 bend / gemeinsam oder behülfflich seiend /
 jnen selbs schatz samlend zu einem guten
 grund auffsz zukünfftig / daß sie ergreifen
 das ewig leben. Sonder geiz heist hie ein
 solliche begierd / da ein Mensch will vnd
 begert grosse vnd vberflüssige Reichthumb
 zuhaben / das er könne müßig gehen / in
 wollusten vñ freudē leben / vñ gute glück-
 selige Tag haben in dieser Welt. Daher
 ihn

ihn Christus hie nennet im griechischen
 Text/ pleonexian/ das ist ein sollichen lust
 vnd begierd / da man will viel vnd mehr
 haben dann ander leut / vnd in allen din-
 gen vnd theilungen den besseren / mehze-
 ren vnd grösseren theil nehmen. Sanct
 Paul nennet in philargyrian / das ist ein 1. Tim. 6. v. 10
 liebe des Silbers oder Gelds. Dann wer
 vnzimlich/ vnordentlich vnd zuviel lieb
 hat das Irdisch vnd Zeitlich Güt / hen-
 cket sein hertz daran/ vertröset vnd verläst
 sich auff seine Reichtagen vnd Güter/ der
 ist mit dem geis besessen.

Diueil aber schier niemandt will gen- 2
 sig gescholtē sein/ vñ darfür gehalten wer-
 den/ als ob er das zeitlich güt so lieb hab/
 als das ewig/ ich will geschweigen/ lieber/
 so doch der Prophet Esaias spricht: Ein Esa. 56.
 jeder kehret sich seinem Weg/ ein jeder sei-
 nem geis nach / mit allem seinem vermö-
 gen: Vñ der Prophet Jeremias. Von dē Jerem 6.
 minsten an biß auff den größten / seind sie
 alle des geiss eigen: so wirt vñ nöten sein
 das man vns etliche zeichen vnd gemerck
 gebe/ bey denen man erkenen möge/ ob ei-

ner Geisig seie / oder nit. Dann wie kan
vns sonst von dieser krankheit vnd gel-
sucht geholffen werden / wann wir sie an
vns selbs nit erkennen noch empfinden?

Matt. 9. Die gesunden dörfen des Arzets nicht/
fragen im auch nit nach / sonder die krank-
cken. Weren ihr blindt / sagt der Herr / so

Joh. 9. hettendt ihr kein Sünd. Nun aber so ihr
sprechendt / wir seind sehend / bleibet ewere
sünd. Es wirdt dieses Laster des Geisses
nicht vmb sonst vom Apostel ein Wurzel
alles vbelts geheissen. Man kan ein wur-
zel / so tieff in der erden ist / nit bald oder
leichtlich sehen / sie ist mit grund vñ erdt-
reich bedeckt / man muß darzu grabē / will
man sie sehen : Also gang ein jeder auch
heim in sein hertz / vnd raume darzu / vnd
luge ob nit im grund seines hertzens diese
böse dornächtige Wurzel stecke / sie ver-
birgt vnd verschleufft sich gar gern.

Wölches seindt dann die zeichen oder
frücht / die auß diser wurzel herauß wach-
sen / oder die schellen vnd bendel / darben
man die Geltnarren vnd Geissfack erken-
nen mag ? Hab acht auff dich selbs im v-
berkom-

berkommen/ im besitzen/ vnd im verlieren
 zeitlicher Güteren. Wie im vberkom-
 men? Wann du alle deine sinn vnnd ge-
 danken / wort vnnd werck / thun vnd las-
 sen / müß vnd arbeit / vnd ganges leben/
 dahin ordnest vnd richtest / daß du reich
 werdest vnd gelt vberkommest / vnd sehest
 also den Pfennig zu einem Zweck vnd
 end/dahin du alle deine ding richtest/ vnd
 vmb wölches willen du alles thust / was
 du zuthun hast: so bist du gewißlich ein
 küßdenpfennig vnd Geitwanst. Vnd so
 du tag vnd nacht also hefftig vnd unab-
 läßlich arbeitest/ vnd den Weltlichen ge-
 schefften obligest / daß du nicht zeit vnnd
 weil hast/ noch habē magst dich mit Gott
 zubekümmern/ mit ihm zureden im Ge-
 bett / ihm zulosen in seinem Wort / nach
 zutrachten seinem Reich / deiner Seelen
 heil zuwürcken/ vnd bist eben gleich denen
 die auff die äcker vnd zu ihrer handthie-
 rung gehendt / vnd nicht kommen wollen
 auff die Hochzeit des Königs Sohns/ Matt. 22.
 oder denen die mit iren Feldern vñ Och-
 sen / vnd Weibern / oder Haushaltung

Luc. 14.

vnd leiblichen geschafften soniel zuschaffen habendt / daß sie nicht kommen wollen noch können zum grossen Abendmal. In Summa so du dir die Bauchsorg soniel lassdest zuschaffen geben / daß du darneben der Seelen entweders wenig / oder gar nicht achtest / vnd denckest mehr dem zeitlichen vnd irdischen nach / dann dem ewigen vnd Himmelischen: so bistu abermals eigentlich ein geiziger Mensch: ja ein Dieb vor Gott. Viel mehr aber bistu ein sollicher / wann dich der Teuffel erst

Matt. 4.

dahin bringt / daß du in anbettelst vnd im dienest vmbß gelts willen / das ist / wann du vmb zeitliches guts willen thust / das dich Gott nie geheissen hat / aber hoch vnnnd thewz verbotten / als wann du zum Reuber wirst. oder zum Dieben / oder tyrannen / oder schmeychler / oder falschen richter / oder mörder / oder lugner / oder betrüger / oder meynedigen / oder spiler / oder wucherer / oder zur Huren / oder kupplerin / zum verrädter oder todtschleger / &c. allein darumb daß du gut vnd gelt ergägest vnd vberkommest.

Wie

Wie mag man ein Geitrappen erkennen im besitzen vnd innhaben der güteren dieser welt? Darbey/weiß jemandt dieselbigē also besitzt / das er vil mehr von jnen besessen wirt/dz ist/so jemandt des Rammons mehr ein knecht ist/ dann ein Herz/ vnd also kündig vñ farg vber das zeitlich Eccl. 14. gut/ dz er es weder jm selbs/ noch vil minder ander leuten zū gutem dienen laßt: er fehret den pfenning vor etlich mal vmb/ ehe das er in hinweg gibt: vñ wenn man jm von gelt außgeben sagt/ vñ handreichung thū dem armen / vñ hinweg schencken/ vñ vmb Gottes willen gebē/ so entfällt jm freud vñ mut/ wirt traurig/ wie d' Jüngling / dauon im Euang. (Matth. 19.) vñ fällt jm ein knollen vnd schmerzen ins herz / vnnd ist alle freundschaftt auß gegen dem/ der in darzu ermant/hörte vil lieber von anderen dingen sagen: vñ so er gleich etwas vñ Gottes willen gibt/ thut ers so zaglich vnd farglich/ dz er stets forget er geb zū vil auß / jm zerriñe darnach/ thuts nit mit frölichem herzen/ rewet ihn von stund an: glaubt lang nit dem wort

Act. 20. des Herrn Jesu: Es ist seliger geben dann
 nehmen: lasset sich nimmer benügen / ob
 er gleich mehr hat / dann er bedarff / begert
 immerdar mehr / vñ ist eben ein ding vmb
 sein hers / wie vmb ein Feur / je mehr man
 strow / spän / vñ hols anlegt / je heffziger es
 briñt: also je mehr der geistwäst guts ha-
 je mehr er begeret: vnd ist ein rechter nim-
 mersat / wie die Hell: etwan rühmet er sich
 seiner reichthumb vnd gloriert darinn: et-
 wann thut er vnd geheyt sich so vbel / als
 wann er nicht ein Heller in ein Bad het /
 vñ das gemeinglich vor denen / die er mei-
 net / sie werden in vmb etwas ansprechen
 vnd bitten.

Wie wirdt aber der Geitshalb erkant
 inn der verlierung seiner güteren? Wenn
 er sich von wegen des verlusts zeitlicher
 dingen zuviel bekümmeret / trawret vnd
 wehflaget / heulet vñ weinet / vnd sich gar
 schwerlich oder gar nicht will trösten las-
 sen. Dann wie es ein zeichen ist das einem
 bech ist am haar klebet / wenn in das hin-
 weg thun des bechs vom haar vbel raufft /
 also ist es auch ein gewiß zeichen das ei-
 nem

nem Reichthumb ist an dem Herzen ge-
 hanget vnd flebet / wenns ihm so gar weh
 im Herzen thut / wenn er vmb etwas zeit-
 lichen gut kommt. Wie es aber ein zeichen
 ist das einem sein Weib nicht ist lieb ge-
 wesen / wenn es ihn nichts kummeret / so
 sie ihm mit Todt abgeht: Also ist es auch
 ein zeichen das einer nicht ist ein liebhaber
 des zeitlichen guts / so in der raub dessel-
 bigen nicht bekummeret / sonder mit dem Hebr. 10.
 heiligen Job sagen kan / Der Herz hats Job. 1.
 geben / Der Herz hats genommen / wie es
 dem Herzen gefallen hat / also ist es gan-
 gen / Sein Name seie gelobet in ewigkeit.

In summa wer mehr trachtet nach weis-
 sem vnd rotem erdtrich / das ist / nach sil-
 ber vnd goldt / dann nach Gottes Reich
 vnd seiner Gerechtigkeit / mehr lust vnd
 fröud hat im zeitlichen / dann im ewigen
 gut / wölches Gott ist / vnd mehr sorget
 für das zeitlich leben / dann für das ewig/
 mehr für den Leib / dann für die Seel / lies-
 ber redt / vnd hört reden von Welt / dann
 von Gott vnd göttlichen dingen / der ist
 mit dem geist besessen.

3. Wie gewulich aber vnnd gransam
 schwär das laster des geiss seie/ist erstlich
 abzunehmen/bey seinen Titlen vnd Na-
 1. Tim. 6. men. S. Paul nennet jm ein wurzel alles
 vbelo/ oder aller bösen dingen / derē zwei-
 erley sind / dan etliche vbel vnd böse ding
 seind schandt / sünd vnd laster: etliche a-
 ber straffen vnnd plagen. Was aber für
 laster auß dieser bösen Wurzel des geiss
 her wachsen/zeigend an viel Exempel zu
 ieder zeit. Was vnglück mit jm ziehe vnd
 bringe der geiss / ist auch offenbar. Was
 macht manchen zum dieb / zum mörder?
 zu einem mutwilligen frieger? oder sonst
 zu einē vbertreiter der H. gebotten Got-
 tes? Was bringt manchen ins ellendt/
 an galgen/ auffs rad / 2c. ist jm nicht also/
 der geiss? Was macht vncinigkeit auch
 vnder leiblichen Brüdern / was macht so
 viel streit / hader / frieg / vnd blütuer gie-
 sen? thuts nicht die Fraw Philargyria/
 die liebe des zergenglichen guts? Was
 hat auff den 5. tag Hornungs des 1565.
 jars / Paulin schuchmachern von Bers-
 wyl erstlich zu einem mörder gemacht an
 dem

Jac. 4.
 Eccl. 10.

dem frommen Andries Hager dem Buch-
 btinder hie zu Basel gessen zu S. Alban/
 vnnnd an der lieben Juncckfrawen Sara
 Falckfeisin/ darnach zum dieben / vñ letst-
 lich zum brenner? die liebe zum gelt vnnnd
 silbergeschirz. Was hat vorzeitten die rei-
 chen Sodomiten vö der erden vertilget?
 Der geis der sie nit hat lassen dem armen Ezech. 16
 vnd dürfftigen handtreichung thun / wie Jos. 7.
 Ezechiel zeuget. Was hat den Achan zum
 Reichdieben gemacht vnd vmb sein leben
 bracht? der geis. Wi hat dem reichen vn-
 trewen vñ kargen Nabal sein leben fürst? 1. Reg. 25
 der geis. Was hat den König Ahab vnd 1 Sam. 25.
 sein Jesabel zu mördern an dem frommen
 Naboth gemachet? die begierdt zeitlichs 3. Reg. 21.
 guts. Was hat den diener Elisei genaüt
 Gehasi aussenig gmacht anders/ dan sein 4. Reg. 5
 geis? Was hat den Heliodorum des Kö- 2 Macc. 3
 nigs Seleuci Kammerer souiel streich ge-
 machet / des ihn biß auff den todt troffen:
 der lust des Kirchenguts zu Jerusalem.
 Was hat Judam Iscarioten zum verrä-
 ter gemacht an seinem trewen vnd lieben
 Herren Jesus? die liebe des silbers. Was

Matt. 26
 28.

hat die hütter des grabes Christi zu lügen-
 meuler vnd falschen zeugen gemacht? die
 liebe des gelts. Warumb hand Ananias
 vnd Saphira dem heiligen geist gelogen?
 vnd warumb seind sie des gähens todts ge-
 storben? hats nicht ihr geiz gethön? Was
 Actoz. 16. hat die Herzen des Töchterlins mit dem
 vnd 19. warsagergeist zu Macedonia erweckt/wi-
 der Paulum vñ Silam die heilige män-
 ner? die begierdt schandteliches gewins.
 Was den Goldtschmidt Demetrium vñ
 seine gesellen zu Epheso wider den lieben
 Apostel Paulum? der hellisch gelddurst/
 der Geiz: darumb er nicht vnbillich ein
 wurzel alles vbelis genennet wirdt. Pau-
 lus heisset ihn auch ein Abgötterey vnd
 Coloss. 3. götzendienst. Dann was zeucht den men-
 Ephes. 5. schen mehr ab von Gott dem waren vnd
 ewigen gut / dann die begierdt des zeitli-
 Matt. 6. chen guts? Wer dem Mammon dienet/
 der ist schon auß Gottes dienst getretten.
 Wer dem irdischen gut anhangt vnd es
 liebet / der ist schon ein hasser vnd verach-
 ter Gottes worden. Wer sein hoffnung
 in die Creaturen setzet / der ist schon an
 Gott

Gott verzweiflet / spricht S. Augustin.
 Vnd wer dem silber vnd gold dienet / der
 dienet gleich so wol den Götzen / als die
 Heiden / deren götter guldin vnd silberin
 waren. Vnd nicht allein bettet der geizig
 einerley matery an mit den Heiden / son-
 der auch liebet er die matery ohn die form/
 daß der Heid/ als ein Heid/ nicht thut/ er
 seie dann auch geizig. Dann er lasset im
 vor hin ein Bild machen auß silber vnd
 gold/ vnd bettet darnach an. Seneca
 nennet den geiz ein weiblich laster: Item
 die aller heftigste pestilens menschliches
 geschlechts: Diogenes ein Hauptstätt al-
 ler vntugenden. Dann wie ein mütter
 der hauptstätt viel filialen / vnd andere
 stett vnd dörffer vmb vnd an sich hat. vnd
 haben ihr verbündtnuß mit einanderen:
 also auch hat der geiz viel sünd vnd laster
 vmb vñ an sich/ die sich alle nach im rich-
 ten / vnd gemeine verbündtnuß mit ihm
 haben. Derhalben er wol Pharaonis/ ja
 des Teuffels Rolwagen mag genennet
 werden: wölches Wagens Räder seind/
 wie Bernhardus schreibt vber die hohen

Serm. 39 Lieder Salomonis/diese vier laster/klein-
 mütigkeit / vnfreundlichkeit/ verachtung
 Gottes / vergessung des Todts. Die
 Ross oder Thier / so den Wagen ziehen/
 Raub vñ Rargheit. Der Fürman/die hi-
 zige vnersetzige begierd zu haben / das ist
 der Satteloh/oder Nummersat. Des Für-
 mans geyssel mit den zweyen riemen / vn-
 ordentliche begird ein ding an sich zubringen/
 vñ stäte forcht ein ding zu verlassen. Wa-
 rumb wolt dann ein Christen mann oder
 Christen weib/geistig sein/vñ mit vil mehr
 wid den geis stritten ohn vnterlass. Dañ
 wo das laster ein mal hinkompt vnd ein-
 wurzlet/last es sich nicht bald vertreiben:
 es mag wol ein langwirige frantzheit der
 Seel genennt werden. Dann andere la-
 ster nehmen etwan im menschen ab/so er
 alt vñ franck wirdt/dieses laster aber äbet
 vñ erzeigt sich offti mehr in der frantzheit
 vnd im alter/dann in der jugend vnd ge-
 sundtheit. Wie viel mengel vñ pesten/
 wie viel süchten vnd frantzheiten sind/in
 die der Geisteuffel die menschen wüßte
 Dann er macht sie so blind als die scher-
 meuß

meliß sind / die im erdtrich ihr wesen ha-
 ben / vñ fleibt inen leim vñ erden vber die
 Augen daß sie sich selbs vnd Gott nit se-
 hen. Er stellt sie in ein geistlich aber sched-
 lich feber/dz sie jek schüttet vñ also forcht-
 sam machet / daß sie vor forcht zeitliches
 schadens zitteren / jek also brennt vnd er-
 hitiget / daß sie vor zorn auffbrennen / vnd
 wöllends alles todthaben / das ihnen am
 zeitlichen schaden thut. Er macht inen so
 dürre vnd lamehend/dz sie die nit außstres-
 cken können/vñ dem armen etwas geben.
 Er truckt vnd buckt sie also zu der Erden/
 daß sie nit können in Hünfel ob sich sehen/
 so sie doch darzu vnd darumb von Gott
 nit wie andere Thier/sonder auffrecht er-
 schaffen sind. Er macht inen so ein kur-
 zen Athem / vnd so eng vmbß Hertz mit
 den dörnen zeitlicher sorgfeligkeit vñnd Luc. 8.
 Reichthumben / daß kein samen Gottes
 worts in inen mag auffkommen / sonder
 wirdt alles erstekt. Er macht sie so auff-
 geblasen vñ geschwollen mit hoffart vnd
 pracht / vnd so vnersetlich in iren herten/
 als wañ sie die wassersucht hetten. Dann

wie kein lufft den leib speisen vnd ersetz-
gen kan / also mag kein gold des geizigen
herz erfüllen. In summa der geiz ist ein sol-
liche giftige sucht / vnd schedliche franck-
heit / daß sie dem / der da mit behafft ist /
schaden thut am Leib / Seet / Chr vñ gut /
vñ führet in ein in viel schmerzen. Dann
fleiß vnd trachtung auff reichthum (spricht

Eccl. 31. die Heilig geschrifft) nimpt den schlaaff /
vnd machet das Fleisch schweynen / vnd

3. Reg. 21. verzehret den Leib. Das sieht man im A-
hab / den der geiz ins beth wirfft. Vnd /
wer gelt lieb hat / der bleibt nicht on sünd.

Eccl. 21. Sünd aber tödtet die Seel. Vnd / die da
reich werden wollend / die fallend in ver-

1. Tim. 6. suchung vnd strick / vñ viel torechtige vnd

Prou. 28. schädliche lüst / wölche versenckend die
menschen ins verderben vñ verdammuß.

Ein geizwurm ist der ehren nicht werdt /
daß ein Christenmensch mit ihm esse vnd
trincke. Dann so jemandes ist der sich ei-
nen Bruder nennen laßt (spricht der A-

1. Coz. 5. postel) vnd ein geiziger / oder ein ehrer der
bilden ist / mit demselben sollend ihr nur
nicht essen. Der geizgrapp der dem armen

Lazaro

Lazaro die brösamlin versagt/ ist vom E- Luc. 16.
 uangelista Lura nit würdig geachtet wor-
 den/ das er in nur mit namen nenete/ wie
 er den Lazarum nennet. Vnd/ was hilffte
 es doch den menschen/ so er gleich die gan-
 ze welt gewunne / vñ nimpt aber schaden Matt. 16.
 an seiner Seel? Nun aber empfacht der Luc. 12.
 geizig/ vnd ein jeder / der im schatz samb-
 let/ vñnd nicht reich in Gott ist / schaden
 an seiner Seel / Wie Gott selbs zu ihm
 spricht: Du Narr/ diese Nacht wirdt man
 dein Seel von dir fordern vnd nemen:
 vnd weß wirdt sein das du bereitet hast?
 Darumb weh vñ aber weh allen geltnars-
 ren vnd geizigen menschen. Dann sol-
 chen narren wirdt mit dem kolben der e-
 wigen verdammuß gelauset werden. Dañ
 dz sollend jr wissen (spricht der geist Got- Ephes. 5.
 tes durch seinen diener vnd legaten Pau- 1. Cor. 6.
 lum) das kein geiziger (wölcher ist ein gö- Gal. 5.
 sen diener) erb hat in dem Reich Christi
 vñd Gottes. Wölcher das glaubt/ solt er
 nicht fliehen vnd sich hüten (nach der lehr-
 Christi) vor dem geiz / als vor einer teuf-
 felischē grüben/ wie Theophylactus redt.

4 Nun seind wol andere vrsachen mehr/
 vmb wölcher willen wir eben für vns se-
 hen / vnd vns vor dieser schweren Sünd
 hüten sollen. Der Herr gibt hie diese vrs-
 sachen. Dann/spricht er/ keines leben würde
 erhalten in vberfluß seiner güteren / vnd
 bewert das darnach mit einem Exempel
 eines reichen/ aber geizigen mans/ der vil
 gut hat vberkommen / aber vmb des willen
 nit deßter rüwiger / oder glückseliger oder
 lenger gelebt/ sonder gleich so wol sorg vñ
 angst gehebt bey vielen güteren / als der/
 der es nicht hat / auch gleich so wol nicht
 ewig gelebt/ als der arm/ sonder jämertlich
 gestorben ist/ vnd das zu der zeit/ da er ver-
 meinet er wolte nach lang gehepter sorg/
 mühe vñnd arbeit / erst ein mal recht gut
 leben haben. Aber es hat im die sachen grob
 gefehlt/ vnd fehlt allen denen / die jr hoff-
 nung also auff ein farende / hinfließende
 vñnd vngewisse hab setzen / ihnen selbs
 schatz samblen auff erden / vñ nit in Gott
 reich seind.

Zu dem sollen wir vns vor dem Geiz
 hüten / nicht allein von wegen das es so
 ein

ein vnnütz ding ist vmb reichthumb/dann
 keiner lebt darumb deßer bas/oder lenger/
 wenn er gleich viel vnd vberflüssige reich-
 thumb hat/wie aber etliche fälschlich mei-
 nen vnd sprechen/ Ist den reichen so wol/
 weder aber den armen : so es doch die ar-
 men in vielen stucken besser haben / dann
 die reichen: es schmeckt ihnen essen vnd
 trincken bas / sie schlaffen oft rüwiger/
 seind geschickter inzugehn ins Himmel-
 reich/williger vnd dultiger zur zeit der an-
 sechtung vnd verfolgung / 2c. Wir sollen
 auch nicht darumb allein nicht geisig
 sein / das wir denen straffen vnd plagen
 entfliehen mögen / von denen wir droben
 zum theil gesagt haben / daß sie vber die
 geisigen kömnen werden / vnd nicht auß-
 bleiben/ wo sie sich nit besseren vnd befeh-
 ren: sonder auch darumb daß wir nicht
 schiffbruch am Glauben leiden/ vnd alles
 das verschütten vñ verlieren/di der Chri-
 stenliche glaub empfahe vñ fasset. Dan
 Paulus zeuget/ di der geis etliche hab ge-
 lüftet vnd sind vom glauben jrz gangen.
 Item auch darumb/ das wir dem Herren

Gott in seinem gebott da er vns heist zu sehen vnd vns hüten vor dem geis/gehorsam leisten / die wir im schuldig seind.

5. Sprichstu aber / ich wolt dem Herren hierinn gern gehorsam sein / vnd dem geis vrlaub geben / ich kan aber nicht: dieses laster hat zutieffe wurklen gewunnen in meinem herzen / vñ mich gar besessen. Diese böse vnd geistliche franckheit meiner armen Seel hat gar vberhand genommen / vnd kan mich selbs nicht heilen noch gesund machen. Wolan lieber mensch / was dir vnmüglich ist / das ist bey Gott wol

Matt. 19. möglich. Dañ alle ding sind Gott möglich: wölicher auch kan durch Christiū Jesum seinen Sohn allerley sücht vñ franckheit heilen: Derhalben auch die geltsucht /

Luc. 5. 19. wie in Mattheo / Zacheo vñ andern. Darumb so gang zu diesem Doctor / vñ ruff diesen Arhet an / so wirdt dir geholffen.

Vnd sprich mit dem Königlichen Propheten David: Neig mein hertz (O Herr) zu deinen zeugnussen vnd nicht auff geis.

Matt. 6. Vnd mit allen Christgleubigen: Vatter vnser in den Himlen / erlöß vns von dem bösen /

bösen/vnd derhalben auch von der wur-
 len alles bösens / von dem schandelichen
 geis. Darnach so folge seinem Racht / es
 wirdt dich nicht gerewen. Heist er dich in
 die Apotek der Heiligē Geschriffte gehn/
 vnd daselbst etliche ding nemen / als ein
 Arzney/so brauchts/wie ers dich heist. Leg
 das pflaster vber den presten / so wirts vō
 tag zu tag besser werden. Nimm erstlich ein
 Senfftörzlin / darnach Vermut / zum
 dritten Gallen / zum vierdten Süßholz/
 zum fünfften Hümelrosen.

Das Senfftörzlin / ist der glaub vnd Matth. 17. 20
 herglichs vertrauen auff Gott den Her. 17. vnd 6.
 ren / vnd sein tröstliche zusagung / da er
 spricht : Sorgend nicht für ewer leben/
 was jr essen vnd trincken werdend / auch
 nicht für euweren Leib was ihr anziehen
 werdend. Ist nicht das leben mehr dann
 die speiß / vnd der leib mehr dann die flei-
 dung? Sehend an die Vögel vnder dem
 Hümel / 2c. Item / trachtend am ersten
 nach dem Reich Gottes/ vnd nach seiner
 gerechtigkeit/so wirdt euch solliches alles
 zufallen. Item / Der wandel sey on geis/ Hebr. 13.

vnd lassend euch benügen an dem das da
ist / dann er hat gesagt / Ich will dich nit
verlassen noch versaumen. / 2c. Glaubte
ein mensch von ganzem herten / das ihm
Gott durch Christum wölle das ewig le-
ben schencken vnd geben / wie wolts mög-
lich sein / das er jm nit auch vmb das zeit-
lich trawete? Ist aber solches vertrauen
da / so kan der geiz kein plas haben.

- Ecccl. 41.** Die Vermut / ist die gedechtnus des
bitteren todts. Dann der verachtet leicht-
lich alles (spricht Hieronymus) der all-
weg gedencet das er sterben muß. Dann
es mag doch keinen sein Haab vnd Gut
vorn sterben erzetten. So nimpt auch kei-
Luc. 12. ner sein gut mit jm hinweg. Dann nichts
Psal. 49. haben wir mit vns in die welt bracht / da-
rumb offenbar ist / wir werdendt auch
1. Tim. 6. nichts hinaus bringen. Warumb lassen
Job. 1. wir vns dann das zeitlich also lieb / vnd
Genes. 25 also hefftig angelegen sein? Da Esau ge-
dacht das er bald sterben müß / ließ er vmb
des willen das Recht seiner ersten geburt
des ringer foren. Die Vögel vñ die Fisch
regierend sich selbs im fliegen vñ schwim-
men

men mit dem schwanz: das vich vertreibt
mit dem wadel die mücken: Der Schiff-
man leyet das schiff zu hinderst mit dem
stewruder: also durch die gedechtnuß vn-
sers letzten ends / mögen wir den geis ver-
treiben / vnd vnser leben recht anschicken.
Dann gedenck / spricht der Weis mann /
an deine letzte ding / so wirstu inn ewigkeit Eccl. 7.
nicht sünden.

Vnder den letzten dingen aber ist auch
das Jüngstgericht / wölches gedechtnuß
vns wol als nutz sein wirt / als dem Tobia Tob. 11.
die gallen des Fisches / die im sein Sohn
vber die augen that / vñ er danon wider se-
hend was. Dann wer da glaubte das wir 2. Cor. 5.
alle müssen offenbar werden vor dē Rich-
terstul Christi / auff das ein jeglicher ent-
pfahe an seinem leib nach dem er gehand-
let hat / es sey gut oder böß: Der würde ge-
wißlich die augē auffthun vñ wol für sich
sehen / das er recht lebte vñnd handlete.
Dañ am Jüngsten tag werden wir müs- Sap. 1.
sen rechenschafft geben / nicht allein vmb Matt. 12.
vnser gedanken / wort vnd werck / sonder Eccles. 12.
auch für vnser güter / wie wir die gwinen

Luc. 16. vnd vberkommen haben / wie wir die ge-
braucht vnd angewendt / wie wir auch die
verlassen vñ außgemacht haben. Am sel-
bigen tag werdend auch die Gottlosen se-
hen müssen vor ihren Augen ston (aber
mit grossen schmerzen) die gerechten / de-
nen sie etwan gewalt vnd vnrecht gethon
haben / oder barmhertzigkeit vnd gutthat
abgeschlagen.

Das süßholz ist die betrachtung der
armut Christi / wölche vns vnser armut /
wenn wir gleich nicht viel jrdische reichs-
thumb haben / so wol süß kan machen / als
das holz zu Mara das bitter wasser / wöl-
ches holz Moses ins wasser warff / vnd
Exod. 15. dauon süß was. Wölcher Christ wolt in
dieser Welt dem zeitlichen Güt also nach-
sinnen / wie die Heiligen thund / wenn er
2. Cor. 8. hört / daß sein Herz Christus so arm ist
Matt. 8. worden (vnd das vmb vnser willen) das
er sprach : Die Füchß habende gruben /
vnd die Vögel vnder dem Hünkel habend
näster : Aber des Menschen Sohn hat
nicht / da er sein Haupt hinlege. Nun hat
vns Christus ein Exempel geben / vñ alle
zeits

zeitliche vnnnd weltliche Güter verachtet/
 vnnnd das darumb (spricht Augustinus)
 das ers vns auch lehrte verachten / vnnnd
 nicht viel darauff setzen / vnd wir in jnen
 die seligkeite nicht süchten. O wie sind das
 so groß thoren die dz irrdisch hochachten/
 vnd sie an demselben also vergaffen / das
 sie dem Himmelschen nicht / oder wenig
 nachfragen / vnd die Creaturen lieber ha-
 ben / dann den Schöpffer. Man hielt
 den für ein grossen Narren der ein ferk
 vmb fünff pfenning anzündte vnd ver-
 brañte / einem haller zu lieb / den ersuchte.
 Aber das sind viel viel grössere narren / die
 das liecht ihres gemüts / irer sinnen vñ ge-
 dancken / aller irer frefften vnd ganzes le-
 bens / mehr verzehren im samblen deren
 Schätzen / die der rost vnd schaben fressen
 kan / dann im vberkommen des ewigen
 guts vnd schazes im Himmel.

O versuchendt wir einmal wie süß der
 Herr Gott ist / vnnnd schmacten wir ein-
 mal die rechten Himmelrosen / das ist /
 gedächten wir an die ewigen vnnnd Him-
 melischen Güter / wie bald wurden vns

199854
 die zergenglichen auff Erden so gar erlei-
 den / ja anstinken / das wir gar nit mehr
 werdend geltsüchtig vñ geizig sein. Dañ
 die zeitlichen güter sind nicht allein klein/
 sonder auch nichts zuscheken gegen den
 ewigen / deren sie allein ein schatten sind.
 Das Garm wurde vergebens gespannen
 Prou. 1. vor den augen des Vogels / spricht Sa-
 lomom: Also mag leichtlich entrinnen den
 strickē auff Erden / der seine augē in Him-
 mel setzt: Dz ist / wie Gregorius sagt / weñ
 man von herzen begert / vnd ein verlan-
 gen hat nach dē ewigen / so wirdt das zeit-
 liche bald ring geschetzt vñnd verachtet.
 Der lieb Gott von Himmel gebe vns sei-
 nen heiligen vñnd guten Geist / vnd diese
 Gnad / daß wir alle mögen das irdisch
 achten ring / vñ lieb haben Himmelsche
 ding / den lasteren dapffer widerstan / den
 tugenden stark hangen an / vnd mit der
 warheit auch sagen vnd singen mit dem
 Propheten Dauid: Im weg deiner zeug-
 nuß O Herz / mit lust zu wandlen hab ich
 mehr / dañ alle Reichthumb erwellet: vnd
 das durch Jesum Christum vnseren
 Herrn vnd Heiland / Amen.

Am 15 blat lin. 21 liß die für den Alm 17 blat
lin. 23 liß Kollwagen für Bekwagen. Am 20
blat lin. 14 liß die für die Alm 28 blat lin. 4.
liß auch für auch.

CCN 1474013100

ma
ist
otu
sa
die
na

Handwritten text at the top of the page, possibly a title or header, written in a cursive script. The text is partially obscured by a dark mark on the right side.

eburn f. 58 lignum Cato

potentia tua

facientibus: imp

que sunt: unu

remouit: sol

difficile: vici: it

innozent: 7

^{2.º} argueret: ^{1.º} deus poen: f. reasidm
tab: delectat opoe: reasidm: q. fidm

^{2.º} 9.º: ^{1.º} smol: la: gothias: pachi: odia: ^{2.º}
qui: disp: re: us.

3405-7

